

庶物類纂

蟲屬
自二十九至三十

容

第百廿七函

太政官文庫			
和書門	特別	一二三六二號	第一三五番函
			四六五册

内閣文庫	
番號	和 32362
冊數	465 (355)
函號	特 54 1




A 1 2 3 4 5 6 M 8 9 10 11 12 13 14 15 B 17 18 19



Kodak Gray Scale



© Kodak, 2007 TM: Kodak







庶物類纂蟲屬卷之二十九目次
蟻

庶物類纂 卷二十九

蟲屬目次

蟻

駒 一名夏小虻
一名雅蜂
一名雅爾
一名雅蟪
一名雅蟪
一名雅蟪
一名雅蟪
一名雅蟪

俗名加州盞
州加靈
州加靈
州加靈
州加靈
州加靈
州加靈
州加靈
州加靈

蓋靈州長門

原牛與...

蟻

蚍蜉大螳爾雅俗呼為馬蚍蜉爾雅郭璞注小者螳爾雅齊人

呼螳為蚌爾雅郭璞注龔龍音打直耕螳爾雅赤駁蚍蜉爾雅郭

註爾雅尉音飛螳爾雅有翅爾雅郭璞注其子蚍爾雅蚍爾雅蟻卵周禮

曰蜃螳醬爾雅郭璞注

機謹按小者螳太平御覽作小者蚌

蚍蜉亦呼齊魯之間謂之蚍蜉音養西南梁益

之間謂之玄蚍法言曰玄燕謂之蛾蚌音蟻養音建

其塲謂之坻反直尸或謂之垤漢揚雄方言

無物類纂 卷二十九 蟲屬 蟻 二

永平京師少雨上御雲臺自為卦以周易林占之其繇曰蟻封穴戶大雨將至上以問輔輔曰寒艮下坎上艮為山坎為水山出雲為雨蟻穴居知雨將至故以蟻興

王肅魏臺訪議

機謹按錦繡萬花谷引東觀漢記永平上有沛獻

王輔善京氏易八字蟻興作蟻為雨居四字

牛亨問曰蟻名玄駒者何也答曰河內人竝河而見人馬數千萬皆如黍米遊動往來從旦至暮家人以火燒之人皆是蚊蚋馬皆是大蟻故今人呼蚊蚋曰

黍民名蟻曰玄駒也

晉崔豹中華古今注

吳富陽縣董昭之嘗乘船過錢塘江中央見有一蟻著一短蘆走一頭迴復向一頭甚惶遽昭之曰此畏死也欲取著船船中人罵此是毒螫物不可長我當踰殺之昭意甚憐此蟻因以繩繫蘆著船船至岸蟻得出其夜夢一人烏衣徒百許人來謝云僕是蟻中之王不慎墮江慙君濟活若有急難當見告語歷十餘年時所在劫盜昭之被橫錄為劫主繫獄餘杭昭之忽思蟻王夢緩急當告今何處告之結念之際同

被禁者問之昭之具以實告其人曰但取兩三蟻著掌中語之昭之如其言夜果夢烏衣人云可急投餘杭山中天下既亂赦令不久也於是便覺蟻嚙械已盡因得出獄過江投餘杭山旋遇赦得免晉于令升搜神記異苑曰桓謙字敬祖大元中忽有人皆長寸餘悉被鎧持槊乘其裝馬從岳中出精光耀日遊走宅上數百為群部障指麾更相撞刺馬既快人亦便能緣機登竈尋飲食之所或有切害輒來聚力所遂還入穴蔣山道士朱應子令作沸湯澆所入處寂不復出因

掘之有斛許大蟻死在窟中謙誅滅唐歐陽詢藝文類聚

機謹按太平御覽岳中作塢中切害作切肉所遂

還入穴作所能勝者以槊刺取徑入穴

蟻秦中多巨黑蟻好鬪俗呼為馬蟻次有色竊赤者細蟻中有黑者遲鈍力舉等身鐵有竊黃者最有兼弱之智成式兒戲時嘗以棘刺標蠅真其來路此蟻觸之而返或去穴一尺或數寸纔入穴中者如索而出疑有聲而相召也其行每六七有大首者間之整若隊伍至徙蠅時大首者或翼或殿如備異蟻狀也

元和中假居在長興里庭有一穴蟻形狀大如次
 竊赤者而色正黑腰節微赤首銳足高走最輕迅每
 生致蟻及小魚虫一日入穴輒壞垤室穴蓋防其逸也
 自後徙居數處更不復見此 山人程宗文文一日云
 程執恭在易定野中蟻樓三尺餘唐臨淄段成式酉陽雜俎
 忠州墊江縣縣吏冉端開成初父死有嚴師者善山
 岡為卜地云合有生氣群聚之物掘深丈餘遇蟻城
 方數丈外重雉堞皆具子城譙櫓工若雕刻城內分
 徑街小垤相次每垤有蟻數千憧憧不絕徑甚淨滑

樓中有二蟻一紫色長寸餘足作金色一有羽細腰
 稍小白翅翅有經脉疑是雌者衆蟻約有數斛城隅
 小壞上以堅土為蓋故中樓不損既掘露蟻大擾若
 求赦狀縣吏遷白縣令李玄之既覩勸吏改卜嚴師
 伐其卜驗為其地吉縣吏請遷蟻於巖側狀其所為
 仍布石覆之以板經旬嚴師忽得病若狂或自批觸
 穢詈叫呼數日不已玄之素厚嚴師因為祝禱療以
 雄黃丸方愈同上
 馬緒謫潮得巨蟻長尺餘鹽漬之歸誇北人唐李石續博物

志

機 謹按典籍便覽潮下有州字

蟻子醬蚘醢也合山源間有蟻子於茅根下為窠者收卵為醬也

唐段公路北戶錄

蟻卵醬交廣溪洞間酋長收蟻卵淘滓令淨鹵以為醬或云其味酷似肉醬非官客親友不可知其味也聖葦容南土風好食水牛肉既飽即下聖葦以消之葦如青苔云是牛腸胃中未化草欲結為糞者既飽則以鹽酪姜桂調而啜之遂不飽也

唐劉恂嶺表錄異記

徐玄之夜讀書見人物如粟米粒數百皆具甲曹擁一紫衣者行案上傳呼云蚘蜉王欲觀漁于紫石潭漁具數十人入硯中皆獲小魚玄之大駭以冊覆之照看皆無

唐李玖異聞實錄

機 謹按白孔六帖無紫衣者之者照看作畫看

正義曰釋蟲云蚘蜉大螳小者螳舍人曰蚘蜉即大螳也小者即名螳也然則螳是小蚘蜉也此蟲穴處輦土為塚以避溼

唐孔穎達毛詩疏

焦贛易林震之蹇曰蟻封尸穴大雨將集

無物類彙編卷二十九

蟲屬 蟻

六

機謹按藝文類聚贛作貢尸穴作穴戶

又復之萃曰蟬蟬戴怨不能土山却推跌蹶損傷其顏

機謹按藝文類聚怨作留土作上無能字跌蹶作

蹶頓損作乃

韓詩外傳曰夫吞舟之魚大矣蕩而失水則為蟻所

制

機謹按莊子同

周官曰饋食之豆蠶蚘醢蠶子也蚘蛤子也醢蚘子也

禮記檀弓曰子張喪公明儀為志焉褚幕丹質蟻結

于四隅鄭玄曰畫褚之四角其文而蟻行往來相交錯也蟻蟻也穀之蟻結似今之地文畫也

又內則曰蚘醢蚘子也蚘蛆也蟬

又學記曰蟻子時術之其此之謂乎蚘蛇也蚘蚘也蟬蟬之

之謂其功乃復是性也

京房易妖占曰蟻無故當道若門戶城郭聚土水且

傷人

楊雄方言曰蚘蟬齊魯之間謂蚘音駒西南梁益

之間謂之玄駒燕謂之蛾蟬楚郢以南蟻土謂之封

王充論衡曰人坐樓臺之上察地之螻蟻尚不見其體安能聞其聲何則螻蟻之體不若人形夫聲音孔氣不能達也今天之崇高非直樓臺人體比於天非若螻蟻於人也謂天聞人之言隨善惡為吉凶誤矣楊子法言曰食如蟻衣如葉不以泰乎劉義慶世說曰殷仲堪父病虛悸聞牀下動云是牛鬪孝武不知殷父問有一殷病如此不仲堪流涕而起曰臣進退惟谷

劉欣期交州記曰太和中人有至武嶺穴中有大蚘

蟬甚大

西京記曰長安化度廢寺內有礪音石徑二尺餘孔穴通連若欄椅樓臺之狀號曰蟻宮常云於中見蟻金色其大若蜂動逾萬計乃掘及泉因得此名張茂先博物志曰蟻知將雨伏侯古今注曰漢光武建武元年山陽有小蟲類人形甚衆明日皆懸樹枝而死乃大蟻也楊子法言曰吾見玄駒是也楊孚異物志曰鮫鯉吐舌蟻附之因吞之又開鱗甲

使蟻入其中，乃奮迅，則舐取之。

古今五行記曰：後魏顯宗人天安元年六月，兗州有黑蟻與赤蟻交鬪，長六十步，廣四寸，赤蟻斷頭而死，黑主北，赤主南。時齊明帝殺少帝之子業而自立，大為魏軍所破。東魏孝靜帝武定四年，鄴下有黃蟻與黑蟻鬪，東魏戎衣色黑，西魏戎衣色黃。是時黃蟻盡死，時高歡圍玉壁，五旬不拔，歡疾斑衣而夢。

嶺表錄異曰：嶺南蟻類極多，有席袋貯蟻子，窠粥於市，都蟻窠如薄絮囊，皆連帶枝葉，蟻在其中，和窠而

賣，有黃色大於常蟻，而腳長者，云南中柑子樹無蟻者，實多，蛙故人競買之，以養柑子。

夢書曰：蚘、蜂為小盜，御食行也。夢見蚘、蜂，小盜眾也。神光占曰：行造酒家，蟻聚中庭，急去之。

應璩百一詩曰：大魏承衰弊，復欲密其羅。蚘、蜂猶見得，何云鱖與鰕。狴犴既已備，欵復置黃沙。楚辭招魂曰：南方赤蟻若象，玄蟻若靈壺。

應璩與曹昭伯牋曰：空城寥廓，所聞者悲風，所見者鳥雀。昔陳司空為邑宰，所在幽閑，獨坐愁思，幸賴遊

蟻以娛其意以今况之知不虛矣

郭璞蚍蜉賦曰節殷人之喪與在四隅而交結濟齊

桓之窮師由山東之高垤感崩陽以潛步知將雨而

封穴伊斯蟲之愚昧乃先識而似哲

又蚍蜉讚曰蚍蜉瑣劣蟲之不才感陽而出應雨講

臺物之無懷自然知來

後漢書曰鉅鹿張角賊起皆着黃巾為標幟時人謂

之黃巾亦名為蛾賊蛾音魚綺切即蟻字論賊衆多故以為名

孟堅曰羊肉不慕蟻蟻慕羊肉羶也

莊子曰巫牛之鼎沸蟻不得志一足焉喻聖王之法明奸至不敢

之蹈

又曰東郭子問莊子曰道安在莊子曰道在蟻蟻

孫卿子曰不食者蟻不飲者蜉蝣

韓子曰桓公伐孤竹行山中無水隰朋曰蟻冬居山

陽夏居山陰蟻壤寸而有水乃掘遂有水

機謹按淵鑑類函韓子作管子月令廣義引韓非

子桓公作齊威公

又曰千丈之堤以蟻蟻之穴而潰

又曰以骨去蟻蟻愈多以肉驅蠅蠅愈至

呂氏春秋曰吞舟之魚陸處不勝螻蟻

淮南子曰千里之堤以螻蟻之穴漏而百尋之屋以

突隙之燔焚突竈也

抱朴子曰鷄有專栖之雉雄有擅澤之鷓蟻有兼弱

之智蜂有攻寡之計人相役御亦猶是耳

又曰百尋之山焚於分寸之燄千丈之陂潰於一蟻

之穴以上太平御覽

南方尤多蟻子凡柱楣戶牖悉遊蟻循途奔走居有

所營里棟相接莫窮其往來出太平廣雅錄

蟻通作蛾記曰蛾子時術之晉語曰蝻蛾螽蟊皆能

害人宋羅願爾雅翼

螽之類多爾雅曰蚍蜉大螽小者蚍蝥打蛇蝥飛蛇

其子蚍按蚍亦作蚍大螽即馬蚱也大而黑郭云俗

呼馬蚍蚍小螽謂小黃蚱也以其種極多故專其名

打蛇是一種大蚱赤色斑駁者飛蚱有翅而飛者凡

蚱老則皆主翅能飛遂化為他類矣蚱蚱卵也似飯

粒亦可為醬周禮醢人蜃蚱醢宋鄭夾漆通志獵奇

隰朋尋蟻桓公北征孤竹無水朋曰隰朋壤可得水乃掘蟻壤果然得水六白帖

抱朴子天圓如蓋地方如碁局入旁轉如推磨而左

行日月右行隨天左轉天牽之西沒譬如蟻行磨上

磨左旋蟻右去磨疾蟻不得隨磨左回同上

北戶錄云廣人於山間掘取大蟻卵為醬名蟻子醬

按此即禮所謂蚘醢也三代以前固以為食矣然則

漢人以鼃祭宗廟何足怪哉宋陸游老學庵筆記

塾江縣冉端為父卜地掘深丈餘遇蟻城方數丈外

重雉堞皆具子城譙櫓工若雕刻城內分街徑小埕

相次每埕有蟻數十幢幢不絕樓中有二蟻一紫色

長寸餘足作金色一有羽細腰稍小白翅有金脉疑

是雄者宋邵文伯五色線

廣州可耕之地少民多種柑橘以圖利嘗患小蟲損

食其實惟樹多螳則蟲不能生故園戶之家買螳於

人遂有收螳而販者用猪羊脬音泡盛脂其中張口置


蟻穴俟螳入中則持之而去謂之養柑螳宋莊綽雜朐編

古今注曰蟻名玄駒何也曰河內人並河見人馬數

十萬皆如黍米動遊人以火燒之人皆蚤蚋馬皆大
蟻今人名蚤蚋曰黍蟻曰玄駒宜自漢始也楊雄法
言曰吾見玄駒之步云一云元駒非也
爾雅云駒小鳥也夏小正謂蟻曰玄駒古今注謂黑
鯉為玄駒宋趙崇綯雜助編
建炎中謝亮大卿使夏國道漢江魄泊見岸上蟻子
以千數爭入水視之已化為鰕如是累累不絕迹其
所從來乃自小家間出詢諸居者云向一翁居此三
十年以煤蝦為業死數日矣此其葬處也始驗其骸

為蟻所食而復墮蝦數云宋洪邁分類夷堅志

湖州月河莫氏衣冠大族也祖瑩在下峯之西南曰
齊山古木千章巨竹萬挺一郡形勝無與比論乾道
二年正月僧庵中堂忽有大蟻聚焉往來營營不見
其止未覺為有異也明旦視之甃塼上蛭成大樹一
株根幹壯實枝葉扶疎觀者靡不嗟賞謂圖畫之工
有所不逮僧飾以朱欄護惜甚謹到今三十年間尚
存同上
蟻之有君也一拳之宮與衆處之一塊之臺與衆



臨之一粒之食與衆蓄之一蟲之肉與衆師之一罪無疑與衆戮也故得心相通而後神相通神相通而後氣相通氣相通而後形相通故我病則衆病我痛則衆痛怨何由起叛何由始斯太古之化也譚景昇化書

馬螳畏肥皂物類相感志

有婦人項下忽生一塊腫漸緣至嬾上腫起莫知何病偶用刀刺破出清水一梳日久瘡不合有道人見之曰此蟻漏耳緣喫飯悞食蟻得此詢婦人云當來喫飯時群蟻緣飯上逐之用湯泡喫往往有死蟻在

中不覺食之道人云此易治但用穿山甲數片燒存性為末敷瘡上遂愈蓋蟻畏穿山甲故也宋新安張果醫說言行錄程伊川頤云嘗聞上在宮中起行漱水必問蟻穴因講之曰有是乎上曰然誠恐傷之爾先生曰願陛下推此心以及四海則天下幸甚宋謝疊山增補秘笈新書開成二年京城有蟻聚長五六十步闊五尺至一丈厚五寸至一尺宋馬端臨文獻通考周天元大象元年八月所在螳群闐各四五尺死十七八同上

昔有一士人與隣女有情一日飲于女家惟隔一壁而無由得近其人醉隱几臥夢乘一玄駒入壁隙中隙不加廣身與駒亦不減小遂至女前下駒與女歡久之女送至隙復乘駒而出覺甚異之視壁孔中有一大蟻在焉故名蟻曰玄駒說玄池林

蟻微蟲穴居卵生有白黑黃赤大小數種大螳俗呼為蚍蜉小螳齊人呼為蟻蚘又有翅而飛者其卵蚘其子格物總論合璧事類。

蟻有數種能螫人厨中饌案以四木桶盛水灌案脚

於中夏雨夜入卧床雖帷帳周密俱所不免多至一二升最為寢食之害蓋蟻為濕熱相蒸所致故居宇須疏風放水稍亦可除白蟻尤能運土蝕木令棟易橈檣李陳懋仁泉南雜志

蟻有君臣之義故字從義亦作螳大者為蚍蜉亦曰馬蟻赤者名螿飛者名螿揚雄方言云齊魯之間謂之蚍蟻梁益之間謂之玄蚍幽燕謂之蟻蚘夏小正云十二月玄蚍奔謂蟻入蟄也大蟻喜酣戰故有馬駒之稱而崔豹古今注遂以蟻妖附會其說謬矣今


不取 明李東璧
本草綱目

蟻處處有之有大小黑白黃赤數種穴居卵生其居有等其行有隊能知雨候春出冬蟄壅土成封曰蟻封曰及蟻蛭蟻壙蟻冢壯其如封垤壙冢也其卵名蛭音山人掘之有至斗石者古人食之故內則周官饋食之豆有蛭醢也今淮南夷食之劉恂嶺表錄異云廣溪峒間酋長多取蟻卵淘淨為醬云味似肉醬非尊貴不可得也又云嶺南多蟻其窠如薄絮囊連帶枝葉彼人以布袋貯之賣與養柑子者以辟蠹蟲

五行記云後魏時兗州有赤蟻與黑蟻鬪長六七步廣四寸赤蟻斫頭死則離騷所謂南方赤蟻若象玄蜂若壺者非寓言也又按陳藏器言嶺南有獨脚蟻一足連樹根下止能動搖不能脫去亦一異者也同上莊子曰道在螻蟻螳有君臣之義故其字從豈亦或從義善鬪力舉等身鐵鬪輒酣戰不解有行列隊伍化書曰螻蟻之有君也一拳之宮與衆處之一粒之食與衆蓄之一罪無疑與衆戮之書曰王麻冕黼裳卿士邦君麻冕蟻裳黼裳明王於此斷恩而蟻裳則

言以申君臣之義也詩曰鶴鳴于垤音迭垤蟻冢也蟻將雨則出而壅土成峰鶴鳥見之長鳴而喜方言曰其場謂之坻音底亦或謂之垤垤從至以螳之微而能為垤用其至故也今蟻取小蟲入穴輒壞垤室音穴蓋防其逸亦以窒雨易占所謂蟻封其穴大雨將至是也一名蟻封傳曰蟻封盤馬孟子曰泰山之於丘垤趙岐曰垤蟻封也今朔地蟻封其高大有如冢者所謂蟻冢蓋出於此莊子曰於蟻棄知於魚得計於羊棄意言慕入與使人慕之皆不可為也故至人之

計仕於物我兼忘其藏也不厭深眇而已矣又曰堯非有人非見有於人也故曰得時則蟻行失時則鵲起蟻行逶遲螳子接續徐徐行也有序需而不速故君子之得時其廉於進如此夏小正曰玄蚰賁玄蚰也者蟻也方言曰梁益之間謂之玄蚰莊子曰鼈之冠山蟻之戴粒其於道途一也此即南華鵬鷗之義言大小雖殊而理各至足豈容勝負於其間哉明牛衷埤雅廣要予平時見群蟻奔營如有急難無停畧以為鬪也偶暇觀數小蟻擁半死蟬負移尺步蟬仰而躍群蟻顛



頃困不勝中一小蟻返穴次似鳩侶者未至值穴蟻
出聚首若相語于是穴蟻復歸頃一蜉虻巨若豆者
領千百麻蟻族出共負疾趨倒曳入穴戶其豆蟻却
弗入四顧彷徨復領群小蟻魚貫出或挽蟲臂或推
饌滓紛紜旋轉不能了予乃知蟻非為鬪口實忙耳
予以天下至微唯蟻雖冷若蟣肝宜無弗充然奔營
不已若此者是不可已乎又見雀鼠鷄豕終日奔營
亦然未嘗不發哂一日予登高山俯觀山足若駕者
騎者負者擔者趨者憇者呼而招者跂而望者隊而

來又復往者其奔營亦何異群蟻之無停顧而思曰
彼高人逸士卧雲霞漱泉石泊然而沈冥者又不哂
吾黨之為群蟻乎或曰使人皆為雲霞之臥泉石之
漱則天下莫為理矣彼高人逸士曷以休哉禹八年
不入層焦不毛脛疾無眦孔子席不待溫接淅而行
皇皇乎捐其身家以援天下然則彼皆非歟予曰不
然禹孔子所以能捐身家援天下者以不為口實奔
營故也向使禹孔子咸奔營若斯蟻則又烏能捐所
切以援斯人乎是故舜之飯餼茹草若將終身伊尹

罵然樂于畎畝夫然後能徵庸陟方上下五就援天
下若斯之急也不然吾無哂於是蟻也

稿藏

明泰和胡正甫
衡廬精舍

有大赤蟻作窠于木梢如數升器者取其卵并蟻以
糝泊薑釀焉云味極辛辣

錄倦游

物之小而可愛者莫如蟻其占候似智其兼弱似勇
其呼類似仁其次序似義其不爽似信有君臣之義
焉兄弟之愛焉長幼之倫焉人之不如蟻者多矣故
淳于棼縱酒遺世而甘為之壻亦有激之言也

明陳留謝

肇淵五
雜組

人有掘地得蟻城者街市屋宇樓堞門巷井然有條
唐五行志開成元年京城有蟻聚長五六七十步濶五
尺至一丈厚五寸至一尺可謂異矣蜂亦有之
蟻有黃色者小而健與黑者鬪黑必敗僵屍蔽野死
者輒昇歸穴中喪亂之世戰骨如麻人不及蟻多矣
又有黑者長寸許最强螫人痛不可忍亦有翼而飛
者

者同上

蟻子鹽嶺表錄異曰溪洞酋長多收蟻卵爭鹵為醬

非官客親友不可得食周禮醢人饋食之豆有蚘蟻

子即此交趾物產○明張燮東西洋考

陶九成言余近見杭州禽戲有曰螞蟻角莖者其法

練細蟻黃黑二種各有大者為之將領插旗為號一

鼓對壘再鼓交戰三鼓分兵四鼓偃旗歸穴矣明田汝成

西湖遊覽志餘人在天地間猶蟻之在磨歟磨之轉西為東回南作

北蟻初不知也天地之運也亦然人曷知乎明葉子奇草木

子

雪則霰風則霾陰則蟻霽則虹故霰則知雪霾則知

風蟻則知陰虹則知霽同上

蟻城方數丈雉堞皆具子城譙櫓工若雕刻城內分

徑街小垤相次每垤有蟻數十幢幢不絕樓中有二

大蟻一紫色長寸餘足作金色一有羽細腰稍小白

翅有經脉疑是雌者衆蟻約有數斛其城隅小壞上

以堅土為蓋故中樓不損李日華時物典彙


蟻謂之馬蟻形如馬也群聚成陣俗謂之馬蟻作壩

必有雨曾見兩兩相鬪屢退屢合經一晝一夜明李詡

菴老人
漫筆

蟻貫行而不失，叙鵲能決起而不戀，群君子進則蟻
行退則鵲起，進以禮禮主，遜退以義義主，斷君子難
進而易退也。長水陸樹聲
汲古叢語
格物論蟻穴居，卵生有白黑黃赤大小數種。蟻一作
螳，大螳俗呼為蚍蜉。又曰馬蟻，小曰蟻，蚋又有翅飛
者。其子曰蚍，蚍螳卵也。明彭太翼
山堂肆考
又曰蟻以雨至而酣戰，附羶趨穢，頃刻群集。同上
李德裕賦：惟江潭之下國，况幽居于澤畔。何蟻蟻之

微物亦有徒而凌亂，或泮散于經筭，或黃緣于食案，
予乃戲而問之曰：爾能居厚地而漏江河，無乃處吾
身而為大患？蟻不能言，辭以意，宣其旨曰：我稟形于
造化，亦一氣之所甄。嘗濟齊師之乏，亦聞媯德之羶。
覩封穴而知雨，驗土壤而得泉，出以時而不息，故學
者得而稱焉。戴粒而遊，若巨鰲之冠神嶽，繞磨而行，
若日月之麗青天。若乃依垤緣壁，淫淫奕奕，其聚無
聲，其行無迹。值晏溫而出遊，當祁寒而入隙。迅雷作
而不駭，微雨灑而自適。生雖瑣細，亦有行藏。止若群




羊之聚進如旅鴈之翔乘其便也雖鱣鯨之可制無其勢也雖蛭蝨而不傷今願悔過戢于垣墻豈同青蠅之點白汚君子之衣裳上同


庶物類纂蟲屬卷之三十目次

蟻

本草綱目卷之三十一



蟻



本草綱目卷之三十一

虫屬 蟻

一

東海有鼇焉冠蓬萊而浮游於滄海騰躍而上則干

蟻

東海有鼇焉冠蓬萊而浮游於滄海騰躍而上則干
雲之峯類邁於群岳沈沒而下則隱天之丘潛嶠於
重川有蚘蟻聞而悅之與群蟻相要呼海畔欲觀鼇
之形月餘鼇潛未出群蟻將反遇長風激浪崇濤萬
仞海水沸地雷震群蟻曰此將鼇之作也數日風止
雷默海中隱起如岳群蟻曰彼之冠山何異我之戴
粒逍遙於封壤之巔歸伏乎窟穴之下此乃物我之
適自已而然何用數百里勞形而觀之乎

符子○明
陳耀文天

無功頭集

卷三十

蟲屬

蟻

二

記中

機謹按呂淵鑑類函作岳

蟻曰玄駒大戴記蟻有君臣之義蟻亦作螳駒亦作
駒明范負一
典籍便覽

蟻卵名蛇音遲山人掘之有至斗石者故周官餽食有
蛇醢今惟南夷食之五行記云後魏時兗州有赤蟻
與黑蟻鬪長六七步廣四寸赤蟻斷頭死則離騷所
謂南方赤蟻若象玄蜂若壺者非寓言也上同

蚍蜉蟻之大者亦曰馬蟻赤者名蠶飛者名蟹大蟻

喜酣戰故有馬駒之稱蛾蚋小蝗也赤幘紫衣蟻王
也上同

有冉端者因營葬掘地遇蟻城方丈城壘皆具若雕
刻中有街徑樓閣二大蟻居樓閣中一紫色足翅皆

如金明陳繼儒
珍珠船廣人於山間掘取大蟻卵為醬名蟻子醬上同

嘉靖甲寅間嘉禾郡學有蟻無數一日集構堂壁上
累為梅一章枝幹花葉皆具潔若刻畫揮之輒集火
之一日復然是時倭連年騷海上其秋突至城下明陳

繼儒古
今奇聞

媽媽北地馬群每一牡將十餘牝而行牝皆隨牡不入他群故今稱婦曰媽媽螳亦不入他群故為馬螳一名玄駒明陳繼儒群碎錄

後魏獻文帝時兗州有黑蟻與赤蟻交鬪長六十步廣四寸赤蟻斷頭而死東魏孝靜時鄴下有黃蟻與黑蟻鬪事文類聚集事淵海。

昔有女子夜過高郵去郭三十里天陰蚊盛有耕夫田舍在焉其嫂止宿女曰吾寧處死不可失節遂以

蚊死其筋見焉人為立祠曰露筋焉明鄒善長彙苑詳註

海子西北隅歲清明日蟻億萬集疊而成丘中一丘高丈旁三四丘高各數尺竟日而散去今土人每清明節往群觀之曰螞蟻墳傳是遼將伐金全軍沒此骨不歸矣魂無主者故化為蟲沙感于節序其有焉

明劉侗帝京景物略

螳大者俗呼馬虵虵夏小正十二月玄駒賁玄駒螳也螳有君臣之義知雨螳封穴戶大雨將集抱朴子曰螳有兼弱之智螳之有翅者曰蜃柱中白螳之所

化也遇天晏温群隊而出飛亦不能高尋則脫翼藉藉在地而死矣

明王思義三才圖會續集

蚘蚌燕謂之蛾蚌其塲謂之坻或謂之蛭蚌音采

石碣

叢談

蟻子鹽醢古載交州溪洞酋長多收蟻卵鹽為醬非官客親族不得食周禮醢人饋食之豆有蚘蠃子即

此安南。明胡文煥華夷風土志

蟻子鹽醢溪洞人收蟻卵鹽為醬甚珍奇之

安南。明豫章。

羅日聚咸賓錄

淳于芬家廣陵宅南有古槐生豪飲其下因醉致疾二友扶生歸臥夢二玄衣使者曰槐安國奉邀生隨二使上車指古槐入一穴中大城朱門題曰大槐安國有一騎傳呼曰駙馬遠降引生升廣殿見一人衣素練服朱華冠令生拜王王曰前奉賢尊命許令女瑤芳奉事君子有仙姬數十奏樂執燭引導金翠步障玲瓏不斷至一門號脩儀宮一女子號金枝公主儼若神仙交驩成禮情意日洽王曰吾南柯郡政事不理屈卿為守勅有司出金玉錦綉僕妾車馬施列

廣庭餞公至行夫人戒子曰淳于郎好酒為婦之道
貴在柔順爾善事之生累日至爾 吏僧道音樂來
迎下車省風俗察疾苦郡中大理凡二十載百姓立
生祠王賜爵錫邑位居台輔生五男二女榮盛莫比
公主遇疾而薨生請護喪赴國王與夫人素服慟哭
於郊備儀羽葆鼓吹葬主于盤龍岡生以貴戚威福
日盛有人上表云玄象謫見國有大恐都邑遷徙宗
廟崩壞事在蕭牆時議以生僭侈之應王因命生曰
卿可暫歸本里一見親族諸孫無以為念復令二使

者送出一穴遂寤見家僮擁護于庭二客濯足于榻
斜日未隱西垣餘尊尚湛東牖因與二客尋古槐下
穴洞然明朗可容一榻上有土壤為城廓宮殿之狀
有蟻數斛二大蟻素翼朱首乃槐安國王又窮一穴
直上南枝群蟻亦處其中即南柯郡也又一穴盤屈
若龍蛇狀有小墳高尺餘即盤龍山岡也生追想感
歎遂遣填塞又風雨暴發旦視其穴遂失群蟻莫知
所之國有大恐都邑遷徙此其驗之。陳翰大槐宮記
唐荆川稗編
嘗過西山見兒童取松間大蟻剪去頭上雙鬚彼此

鬪咬至死不休問之則曰蟻以鬚為眼凡行動之時先以鬚左右審視然後疾趨一挾其鬚即不能行既憤不見因以死鬪試之良然余謂蟻以鬚視古未前聞且蟻未嘗無目必待鬚而行亦異事也識之以俟博物者明袁中即全集

太戴禮曰十二月黜駒賁駒者蟻也賁走於地中也
關尹子曰聖人師戰蟻置兵不埋雅廣要曰蟻酣戰
抱朴子曰蟻有兼弱之智

又以蟻鼻之缺損無償之純鉤

周髀家云天圓如張蓋地方如棊局天旁轉如推磨而左行日月右行隨天右轉故日月實東行而天牽之以西沒譬之於蟻行磨之上磨左旋而蟻右去磨疾而蟻遲故不得不隨磨左迴焉

廣志曰有飛蟻有木蟻古曰黝駒者也又有黑黃大小數種

機謹按藝文類聚黝駒作玄

古今註曰牛亭問蟻曰黝駒何也答曰昔河內人見

有人馬數千萬皆如黍米遊動往來從旦至暮家人以火燒之人皆成蚊蚋馬皆成大蟻故呼蟻為黝駒也

元稹詩集曰巴蟻衆而善攻櫟棟往往木容完具而心節朽壞屋居者不省其微而禍成傾壓物類相感志曰浮炭斷道行蟻自回

詞林海錯曰蟻名蠶蟻一名石宮大者為蚍蜉小者為蛾蟬齊魯之間謂之蚰蟧梁益之間謂之黝駒唐傅亮靈應錄曰台州有民姓王常祭廁神一日至

其所見著黃女子民問何許人答曰非人廁神也感君敬我今來相報乃曰君聞螻蟻言否民謝之曰非惟鄙人自古不聞此說懷中取小合子以指點少膏如口脂塗民右耳下戒之曰或見蟻之所側耳聽之必有所得良久而滅民明日見一柱礎下群蟻紛紜憶其言聽之果聞相語曰移穴去暖處傍有問之何故云其下有寶甚寒往不安民伺蟻出訖尋之獲白金十錠此後不更聞矣

厚德錄曰宋庠春試有胡僧相之曰公羊神頊異如

曾活數百萬命者庠曰貧儒何力及是僧曰不然肖
翹之物皆命也庠俯思良久乃笑而言曰旬日前所
居堂下有蟻穴為暴雨為侵吾戲編竹為橋以渡僧
曰是也小宋今年必首捷公終不出其下比唱第小
宋果中魁選章憲太后臨朝謂弟不可先兄以大宋
為第一小宋宋祁也以上淵鑑類函
螳即蟻○爾雅曰蚍蜉大螳小曰螳螿打螳螿飛螳
方言曰齊魯之間謂蚍蜉曰蚍蜉西南梁益之間謂
之玄灼燕謂之蛾蚍大而赤色者名螿要論之白蟻

居土中有城郭君王蠹屋化而羽夏月陰雨全飛殆
蚍蜉乎蚍或作螿者誤螿乃扁蟲著牛馬食其血者
也白蟻亦曰螿亦曰土蟻玄蟻尤蕃過羶負曳大頭
不負曳若糾率者故世以惰群者為大頭蟻小而微
黃曰蟻稍大好啖群蟻曰虎蟻有蛆蟻狀如墨蟻化
而羽能螫人爾雅所謂丁蟻也有臭蟻好綠木為窠
此其略也蟻與蛾通用記曰蛾子時術之音蟻蟻子
蚍籀作螿按螿人共互物內有蚍醢注蚍蟻卵今按
本文有九種物則蚍必水物龜螿之類恐非蟻子里

革言國語曰魚禁鯤鮪蟲舍蚘蝮鯢鮪蚘蝮似為蟲
魚孕育之通名非專言蛾子也清方以智通雅

蟻有數種能螫人厨案四足以水桶浸之剛上畫路

彼亦不過炭灰石灰充驗蜜煎鋪中蘸肥皂汁拭蜜

器蟻不復來廣東蟻入箱須置川山甲東山紀曰

蟻有重四十斤者清皖桐方氏浮山此藏軒物理小識

蚘舊注音池螳子引周禮祭祀共蠱羸蚘內則蚘醢

又姓按爾雅蟹飛螳其子蚘郭璞註蚘蟻卵周禮蜃

蚘醬內則蚘醢註以蚘蜉子為醢食服脩者蚘醢配

之陸德明黃震說文本草皆與陳澍禮記集說同今

考周禮蠶人祭祀共蠱羸蚘醢人掌三豆之實有羸

醢蠱醢蜃醢國語里革曰魚禁鯢鮪蟲舍蚘蝮由此

推之禮所謂蚘者皆介蟲稚小之通稱蓋以蜃壳則

味薄取蜃之小者為之非蚘蜉子為醢也祭祀豆實

禮尚芳潔蚘當是水中介蟲別名殼內肉可食如蛤

蚘蝗蚘之類必蜃屬非蟹子無疑雖劉珣嶺表錄異

言交廣溪峒酋長取蟻卵淘淨為醬安南國蟻子醬

山人掘蟻卵至斗石食之在夷俗或然中土未有以

無功類集 卷三十 蟲屬 蟻

蟻醢供豆實祭器者世傳蟻卵生穴居掘之未必得
安能徧索為醢以充籩實况蚍蜉氣生非卵生此又
古今曲說之不足信者也舊註汎引周禮內則蚍醢
非清廖文英
正字通

月出叢談海南人取沈香東茄南旋風諸香每數人
合夥裹半月乾炒相與深入山中求之或一二日即
得之或半月不得徒手歸者亦有命也有香之處即
有蟻封高二三尺隨挖之則其下必有異香大抵沈
香為多亦有深入色入境内中州水晶皆為玩好彼

處五指山徬滿山皆是望之如雪而光采過之人取
以為假山有高至丈餘者亦不足異也廣東通志

機謹按炒疑抄字之誤也

蟻禮謂之玄駒爾雅名蚍蜉小者螳黃者善鬪白者
能蠹木莊子蟻有君臣之義大者不出穴羣蟻取食
以飼之將雨則輦土為塚以避濕汀州府誌

嘉靖甲寅秋南總督糧儲公署中有蜂為房於簷下
不數日大如斗同日中堂忽聚蟻數升有頃四散時
楊公宜為總督甚恠之然竟無恙楊去而黃公懋官

來以軍餉不時為軍士搗死督署毀折一空劉誠意
之乃定蜂屯蟻聚妖不虛作然不及于楊公而黃
公當之者楊公寬厚仁愛屬不能及黃公嚴刻大過
遂及于禍所謂以厲召厲者與君子為國家當事固
宜剛正亦貴和衷觀黃公可以鑒矣江寧府志
齊諧記曰吳時富陽董昭之嘗乘船過錢唐江中見
一蟻著一短蘆走回復顧望甚皇遽畏死因以繩繫
蘆船上至岸蟻得出夜夢一烏衣人謝云僕是蟻中
王也感君見濟後有急難當相告語歷十餘年所在

盜劫昭之被橫錄繫餘杭忽思蟻王之夢因取三四
蟻著掌中語之夜果夢烏衣云可急投餘杭山中天
下既亂赦令不久也既寤蟻結械已盡因得出獄過
江投餘杭山旋遇赦遂得免富陽縣志
一宋一日出遊遇胡僧相之曰小宋他日當魁天下
大宋亦不失科甲後又遇之僧執大宋手驚曰子
神異昔活數萬之命乎庠笑曰貧弱 此僧曰
不然肖翹之物皆命也試思之庠 鄉堂下蟻
穴暴雨浸之群蟻環其旁我編竹橋渡之非此也乎

僧曰是也小宋固當首捷子恐不出其下二宋私語曰妾一歲豈有兩魁乎明年二宋同舉進士及第祁第一庠第三章憲太后不欲以弟先兄乃以庠第一而寘祁第十僧言始驗。李元綱原德錄德安府志

洪武三年岳州蟻鬪群蟻同穴無故自鬪而死處處積成小堆。湖廣總志

文宗開成二年京師有蟻聚長五六十步濶五尺至一丈厚五寸至一尺。長安縣志

崇禎十六年四月群蟻接翅而飛望之若雲霧。曹州志

明洪武三年岳州蟻鬪而死積其堆十一年岳州大

水。岳州府志

顯祖天安元年六月兗州有黑蟻與赤蟻大鬪長六十步廣七尺赤蟻斷頭而死。兗州府志

驚蟄家以糯穀爆花以石灰置柱礎辟蟲蟻。新城縣志

淨明寺僧名有元能誦詩品經咒尤精於大悲每於夜深演誦晝則宴坐焚香撫琴而已一日講止觀於堂上而簷間鳥雀相呼因自衆行道誦經已而鳥雀皆去無復喧聲又其殿柱為蟻所蛀乃行道誦經七

晝夜蟻皆移去自此遂絕平陽縣志

元至正二十季本府群蟻同穴自闢而死死處皆積

成堆堞其後本府將臣張斌大衆於潞州死至正十

九季岳州大雨八十日巴陵縣志

明洪武三季岳州蟻鬪而死皆積成堆十一季岳州

大水同上

一名蚍蜉有大小赤白黃黑數種俗呼馬蟻盛京通志

有大小數種又有飛蟻頗為物害畏燂炭桐油丹徒縣志

禮謂之比蜉梅雨時化為飛蛾又有黃蟻出入有序

福州府志

蟻一名蚍蜉春出冬蟄有黑白二種懷寧縣志

蟻大小黑黃赤色數種穴居卵生其居有等其形有

緣知雨幾輔通志

蟻爾雅名蚍蜉小者螳有赤黑白諸類赤而小似絲

者俗呼黃緣蟻埤雅蟻行透遲有序需而不速是也

黑而大者俗呼走馬蟻以其走之疾故也白蟻溫熱

相蒸而生凡噐物衣服之類置近濕處一為所侵皆

成蛀粉寧化志蟻畏茶委棄茶渣乾而為末佈于其

中蟻不敢犯諸羅縣志

蟻有黃白黑數種大者名蚍蜉小者名蟻蚱又有翅

而能飛者皆能穴善鬪其嚴君臣亦如蜂杭州府志

蟻其大者不出穴謂之蟻王羣蟻飼之以其有君臣

之義故名蟻知將雨則壅土成峰以自庇金壇縣志

蟻詩鶴鳴于垤垤蟻墳也天將雨則蟻出擁土成墳

鶴鳥見之長鳴而喜曹縣志

蟻其大者常不出穴飼之者群蟻也將雨則出而擁

土成峯廣信府志

機謹按鉛山縣志同

蟻禮謂之玄駒爾雅名蚍蜉小者螳其塲謂之坵或

謂之垤隰朋曰蟻冬居山之陰焦貢易林曰蟻封穴

戶大雨將集漳州府志

蟻有黃蟻赤蟻黑蟻馬蟻白蟻江西新城縣志

蟻有數種有走馬蟻作穴依樹能螫人有黃絲蟻有

黑蟻作穴地中有白蟻能運土食人樑棟梁州府志

蟻有君臣之義故曰蟻亦作螳大者為蚍蜉亦曰馬

蟻赤者名螻飛者名蠶今之白螳也夏小正云十二

月玄駒犇謂蟻入也。穴居卵生，居有等行，有隊能知雨候，赤能就陰，隰朋曰：冬居田之陽，夏居田之陰是也。封川縣志

蟻穴居卵生，善鬪，有白黑赤黃大小數種。大蟻俗呼為蚍蜉，小者為蟻。蚍又有翅而能飛者，其嚴君臣亦如蜂。蚍音皮，蟻音痒。仁和縣志

蟻有黑白赤多種，又一名長脚蟻。瓊山縣志

蟻亦有君臣之義，大者常不出穴，羣蟻取食飼之，將雨則輦土為塚以避濕。九江府志

有君臣之義，故從義。穴居卵生，能知雨候，故先雨而徙。此中大小黑白黃赤俱有，黃赤者喜緣木為巢，如土蜂窩，大容數升，鄉人售諸園，丁架竹引之以食果蟲，黑者往來几案，被汗食物，白者為害最慘，衣服器物稍不檢視，即遭嚙食。陽春縣志
蟻亦作螳，亦名馬蟻，亦名蚍蜉。蟲之有義者約十餘種，色有赤黃黑之分，而赤者極大，一名螻，其極小者曰黃絲，俱能候陰。晴天將雨，輒遷穴避之。高要縣志

麻
生
類
七
卷
一

